



XX. Dec 2010

Inatsisartut suleriaasiat § 37 naapertorlugu Naalackersuisunut imaattumik apeqquteqarniarpunga.

Naalackersuisunut Apeqqut:

- 1. Diskobugt-imi piniarnermik aalisarnermik nakkutilliisut amerliniarneqarpat?**
- 2. Nakkutilliisut amerlineqassappata Qasigiannguaniippata imaluunniit Aasianniippata sorleq pitsaanerussava?**
- 3. Nakkutilliisut amerlineqassappata qaqagu tamanna piviusunnngortinneqassava?**
- 4. Naalackersuisut isumaqarpat Ilulissani nakkutilliisut suliasartik naammaginatartumik taama annertutigisoq naammasisinnaagaat?**

(Inatsisartuni ilaasortaq Kristian Jeremiassen, Siumut)

Tunnngavilersuut:

Piniarnermik aalisarnermik nakkutilliisut suliaat annertuallaarput allaat tamakkiisumik nakkutilliisoqarsinnaanani, nuna nakkutigisaq ima annertutigivoq tamaat pitsaassusilimmik nakkutigineqarsinnaanani, Nuussuarmiimmi nassuttoq tikillugu Ilulissani nakkutilliisunit marlunnik nakkutigineqarpoq.

Nuussuaq, arfersiorfik, naternaq nassuttoorlu tassaapput tuttoqarfeqartut aamma umimmaqarfeqartut, isorartoorujussuuvoq nuna imarlu nakkutigisaat, pitsaasumik taajuutaannaanngitsumillu nakkutilliineq ingerlanneqassappat pingaartuuvoq piniarnermik aalisarnermik nakkutilliisut amerlineqarnissaat.

Angallat ataaseq, sneeskooteri aammalu inuit marluk nakkutigisaat annertuujuvoq oqarsinnaavungalu nuna aammalu imartaq taama annertutigisut inuit marluinnaat nakkutigisinnaanngikkaat, tassami kommune-imi ileqqoreqqusat amerlasuut, inatsisit, nalunaarutillu eqqortumik malinneqarnersut nakkutigisussaavaat assersuutigiinnarlugu Ilulissat eqqaani aalisarsinnaanermik akuersissutillit 200-it sinneqarput, suliasaat takuinnarlugit tamakkiisumik suliarisinnaanngilaat.

Nuna imarlu nakkutigisassaq nakkutilliivinniit marlunniit nakkutigineqalerpat pitsaanerpaajussasoq isumaqarpunga.

Qasigiannguani piniarnermik aalisarnermik nakkutilliisoqalerpat Qasigiannnguit eqqaat tamaat, aasiaat eqqaat, kangaatsiap eqqaa taamatullu arfersiorfik nassuttoorlu nakkutigineqalersinnaapput.

Imaluunniit Aasianni piniarnermik aalisarnermik nakkutilliisoqalerpat Qasigiannnguit eqqaat tamaat, aammalu aasiaat eqqaa tamaat kangaatsiallu eqqaa tamaat nakkutigineqarsinnaapput ilanngullugit arfersiorfik nassuttoorlu.

Paaserusuppara piniarnermik aalisarnermik nakkutilliisut nutaamik immikkoortotaqarfittaassappata illoqarfimmi sorlermiikkuni pitsaanerussanersoq? Uani pineqarput Aasiaat aammalu Qasigiannnguit

Naggataatigullu isumaqarpunga Ilulissani nakkutilliisut pisinnaasartik tamaat sulisut kisiannili nakkutigisaat annertuallaartoq nakkutilliisunillu marlunnik naammassineqarsinnaanngitsoq naammanginartumik. Naalackersuisut isumaat aamma paaserusuppara nuna imarlu nakkutigisaat taama annertutigisoq ilumut naamanginartumik naammassisinnaavaat? Isumangalu tassunga ersarippoq: Nuna imarlu nakkutigisaat annertuallaqaaq ilaneqartariaqarput.